

Hs. 2, 70

VON DEM GUETEN HANNEN.

Ejn man hett ein elich weip,
 Die hett ein andern zue seinem leip.
 Der man reit geyn fenedige auß.
 5 Der ander kwam jn daz hauß,
 Vnd da er jn daz haus gieng,
 Dye frauwe jn tügentlich enpfeng.
 Dez danckt er ir fleißig wieder
 Vnd leyt sie an den rücken nyeder,
 10 Vnd daz sie zway da taten,
 Daz möcht eyn storch derraeten,
 Der jn dem neste leyt.
 Sich huebe ein mynnender streit.
 Eyn han auff dem balcken saß.
 15 Der begonde mercken daz.
 Er sprach: mir ist also zorn,
 Daz mein frauwe ir ere hat verlorn.
 Dez wart die frauwe gewar.
 Sye rieff balde ir meyde dar
 20 Vnd sprach: würge mir den hann,
 Daz er mueß sein klaffen lan,
 Vnd nym mein gelt früewe zue dir
 Vnd kauff einen andern hanen mir,
 Wan vnser her küme,
 25 Daz er icht wiße dar vmbe.
 Die magt dez nit enließ,
 Sye det, daz sie die frauwe hieß,
 Vnd kaufft eyn andern han.

1. Eine andere hs. dieses gedichts erwähnt Mones anzeiger 1839, 211.
 10. Dieselben zeilen hs. 2, 8^b.

- Hs. 2, 70^b Du solt dein klaffen faren lan.
 An der andern nacht dar nach
 Wart irem gesellen aber gach
 Vnd kwam jn daz hauß gegangen
 5 Vnd wart aber wol empfangen
 Vnd tet, alz er vor het getan.
 Daz sach auch der ander han.
 Dez wil ich fleißig bitten dich
 Vnd tuewe, alz gestern geleich!
 10 Die mayt tet aber daz,
 Alz ir zue gesprochen waz.
 Daz beüt ich dir bei dem bann,
 Kauff vns ein gueten han!
 Dye mayt gyeng zue marckt san
 15 Vnd bracht aber ein andern han.
 An der dritten nacht für ware
 Kwam ir geselle aber dar.
 Waz er vor hette getan,
 Dez selben er aber began.
 20 Der han dez alters krang waz.
 Der begonde mercken daz.
 Er sprach: man sol hören, sehen vnd auch sweigen,
 Der da mit gemach wil pleiben.
 Dye frauwe rieff aber der mayt dar:
 25 Nym mir dez hanen eben war,
 Daz er habe trincken vnd essen!
 Dü solt sein nit vergessen,
 Wan ez ist ein gueter han
 Vnd wil sein klaffen faren lan
 30 Vnd wil ein guet geselle wesen.
 Dar vmb sal er wol genesen.
 Hs. 2, 70^c Da bey sollen wir verstan:
 Wer gueten frieden wil han,
 Der mueß für oeren laßen gan
 35 Manig rede, die er hört vnd sicht;
 Daz sal man alles klaffen nicht,
 Wan klaffen schadet mangem man,
 Sweygen schelten schaden kann.

